

Alketab ka angguy nak - kanak
ka angguy



Dhari
Nganeyaja
Daddi
Pangkhobah



Etos bi': Edward Hughes

E elustrasi agi bi': Janie Forest
Alastair Paterson

E potdhut bi': Ruth Klassen


E terjemah agi bi': Anik Kongariawati

E gabay bi': Bible for Children
www.M1914.org

©2023 Bible for Children, Inc.

Ba'na bisa pa - banyak otaba anyitah careta', se abit tah juelah.





Allah mabadha
kadaddiyan se raja
kalaban parantaraan
omat Na e gareja
se dhe'-adhe'.

Badha oreng lalake',
nyamana Filipus,
salerana rajin aberta'agi
ka banya' oreng parkara
Yesus. Tape Allah makon
mangkat ka ra'-ara'
badhi. Arapa'a?



Allah mersa'agi badha
oreng e dhalem parjalanan
e ra'-ara' badhi, oreng
jareya ponggaba se tinggi
e pamarentahanna Rato
Kandeka dhari Etiopia.
Aba'na badha e parjalanan
moleya ban maca
Ketab se bagus.

Ba'na bisa
neba' ketab
apa jareya?




Bekto
Filipus
norotde
parentahna
Allah, Allah
mempena salerana
ka ponggaba se maca
Adhabuna Allah tape ta' ngarte
artena. Orenng jareya aonjang
Filipus reng-bareng bi' aba'na.



"Ponapa artena jareya?" Ponggaba jareya atanya ka Filipus. Sa'abidda kareta jareya yang-goyang salanjangnga parjalanan e ra'-ara' badhi, Filipus molae acaca dhari yat-ayat Dhabuna Allah, salerana khotbah parkara Yesus ka oreng jareya.





Ta' abit
ponggaba Afrika
jareya partaje
ka essena Alketab, ja'
Yesus Kristus jareya Ana' Allah.
Napa' ka kenengngan se badha
aengnga, ponggaba jareya mator, "Ponapa
pole se gi' korang kaangguy abaptis kaula?"



Laju Filipus adhabu, "Mon sampeyan ce' partajena sampeyan kengeng ebaptis." Ponggaba jareya ajawab, "Kaula partaje, ja' Yesus Kristus jareya Ana' Allah. Filipus agibe ponggaba jareya ka dhalem aeng ban ebaptis.





Samarena se kadhuwa kalowar
dhari aeng, Errohna Allah
abakta Filipus dhari jadhiya,
ban ponggaba dhari Afrika
jareya ta' nangale'e Filipus
pole. Aba'na abali ka Etiopia
kalaban
atena
perak.



Tape badha pan-barrampan oreng se moso ka reng-oreng Kristen. Stefanus sala settong kancana Filipus, epateyana bi' reng-oreng se peggel se ta' terro Stefanus nyareta'agi parkara Yesus. Settong lalake' nyamana Saulus dhari Tarsus abanto keya mateyana Stefanus.



Saulus, terros aehteyar gabay
ngancora ban mateyana reng-oreng
Kristen, aba'na entar ka imam
agung ban nyo'onna sorat kobasa
kaangguy nangkebba lalake' otabe
babine' se partaje ka Yesus.






Saulus dhari Tarsus
se malarat! Aba'na
ta' tao ja' e bekto
nganiyaja omat Allah,
sabenerra aba'na
nganiyaja Guste
Yesus dhibi'. Allah
kodu pa'ambu Saulus.
Tape baramma?



Allah "pa enneng" Saulus!
Sabatara Saulus dhalem
parjalanan ka kottha
Damsyik, Allah mabadha
sonar se lowar biasa
dhari sowarga. Saulus
labu ka tana. Laju
ngedhing badha sowara.





"Pasera Junandalem Guste? Ca'na Saulus.
"Sengko' reya Yesus se ekaneyaja ba'na."
Kalaban ngetek ban takerjat, Saulus
ajawab, "Guste, ponapa se Junandalem
nyo'onna se kodu abdidalem alako?"
Ban Allah adhabu ka Saulus, "Mara jaga
ban maso' ka kottha, e dhisa' ebala'anna
ka ba'na, apa se kodu elakone ba'na.'



Reng-oreng se noro'
abareng Saulus jagan
ngedhing sowara, tape
ta' nangale'e oreng.
Saulus jaga dhari
tana ban matana
ta' bisa nangale!
Bi' reng-oreng
etonton aba'na
maso' ka
Damsyik.



E dhalem kottha, Saulus
abidda tello are ta'
nangale jugan ta' Ngakan
ban ta' ngenom. Manabi
aba'na ngaguna'agi
bekto kaangguy
adu'a ka Guste
Jesus se manggi'i
aba'na e Damsyik.



Allah mabadha rancana. E
Damsyik badha mored senyama
Ananiyas. Allah akerrem aba'na
kaangguy nolonga Saulus.
Ananiyas ce' tako'na.
Tape aba'na noroti
parentahna Allah. Bekto
aba'na nompangngagi
tanangnga ka
Saulus, matana
epabaras laju
nangale'e pole ban
Saulus ekobasae
Erroh Socce.



Saulus ebaptis. Laju
ngakan. Samarena ngakan
aba'na arasa kowat. Saulus
buttohagi kakowadan.
Ban andhi' parkara se ce'
pentingnya gabay elakone.



Salanjangnga Saulus akotbah parkara Kristus ka ngan-kenengnganna kabakteyan, ban molae aberta'agi ja' Yesus paneka Ana' Allah.

Reng-oreng se ngedhing padha heran, ban oca'na, " Arowa gu ta' oreng se mate'e sakabbina

reng-oreng Kristen?

Ban pan-barrampan aparembagan gabay mateyana Saulus.





So-mosona Saulus anante' e labang sakethengnga kottha kaangguy mateyana Saulus mon aba'na kalowar dhari kottha. Tape cakancana Saulus se anyar, reng-oreng Kristen, Saulus egiba epamaso' e dhalem budhak se raja ban epatoron dhari atassa pagar.





Ban molae bekto reya,
Saulus se nganiyaja
oreng Kristen odhi'
daddi mored se imanna
ka Tuanna se anyar,
Guste Yesus Kristus.



Dhari Nganeyaja Daddi Pangkhotbah

Alketab jareya nyareta agi firmanna
Guste Allah

se e bedhe' e

Caretana Para Rasul 8 ban 9

"Masuk ka firmanna Guste Allah e beri tera."
Bangsalam 119:130



Tade'



Careta Alketab notorrangi Guste Allah paneka se becce se nyepa' agi manossa sopaja ba'na kenal ka salerana.

Guste Allah tao manossa ngaloko'agi se jube', se e sebut dusa. aokoman dusa jareya e patte'e, tape kataresna'anna Guste Allah ka manossa setalebat raja ban apereng Pottrana se coma settong, Yesus, se mate ekaju salib ban aokom kaangguy dusana ba'na. Laju. Yesus a bungo ban abali ka sowarga! Bile ba'na partaje ka Yesus ban apenta saleranan ngamponi dusana ba'na salerana angalako agi. Salerana rabu ban odhi ban ba'na sateya, ba'na odhi sareng salerana salanjangnga.

Bile ba'na partaje, ngadoa ka Guste Allah cara jareya: duh Guste Allah, abdi partaje ka Guste Allah, se daddi manossa laju seda sabab dusana abdi, ban Salerana odhi pole. Mara datheng ka odhi na abdi ban angapora dusana abdi, sopaje abdi odhi anyar, ban e are gu'laggu abdi oleh odhi ban Salerana. Abanto abdi noro'lampadda padana Salerana ban odhi na abdi daddi potrana Gustte Allah.

Ngabaca Alketab ban ngadoa ka Guste Allah ban are. Yahya 3:16

